

La grippa da 1918 – pretendiu bia unfrendas

ga. 70 onns ein vargai dapi ch'ina prigulosa grippa ha inundau la Svizra. Era il cantun Grischun ei buca restaus schurmegiaus.

Tgi che discuora qzildi da grippa sto buca spetgar sin ina reacziun sensaziunala. Grippa ei per nus buca dapli ch'ina maldispostadad che attacca ina gada in e l'autra gada l'auter. Ils medicaments che stattan a disposiziun ed il sedepurtar adequat dil pazient segireschan in process che meina en cuort temps puspei ord la calamitad e maldispostadad. Cumplicaziuns ein sulettamein da temer sch'ins neglighescha tuttas mesiras preventivas.

Ina prigulosa grippa

Auter vesev'ej ora 1918. La grippa da gliez onn, numnada «la grippa spagnola», ei stada prigulosa e ha custau mo el Grischun la veta a 753 persunas, senza il militer. Ord la statistica aschuntada savein nus constatar ch'era la Surselva ha stuiu prestar siu tribut. Il remarcabel e fetg deplorabel tier quella influenza ei che specialmein glieud giuvna denter 20 e 40 onns han stuiu suttacumbar a quellas attaccas.

Ils emprems cass da grippa ha ins constatau il zercladur 1918. Aunc vegn quella influenza qualificada per leva e senza problems. Denton, la fin da fenadur sto ins midar opiniun. Il diember da malsauns contonscha in punct alarmoni e la prigulosidad dalla grippa vegn pli e pli veseivla. Tendenzialmein dev'ej ord la grippa cun ses simtoms normals in malcostas e la finala vegnev'il cor attacca e spossaus cul resultat ch'il diember dallas unfrendas mortalas cuntonscheva in punct che fageva grond sterment. En vesta alla situazion precara ed alarmonia scamonda il Cussegli Pign (Regenza) tuttas rimnadas da glieud en pli grond diember. Las scolas restan serradas, survetschs divins en baselgia vegnan desisti, medemamein giugs da cumminanza, teater, saults etc.

Ina petra pella

Il grond diember da malsauns, repartgus sigl entir Cantun, purtava problems appartenent il tractament medical. Ils miedis fuvan buca avon maun en diember abundant. Risguardond las relaziuns da communicaziun da lezzas uras, las schiliatas vias, ton sco negins automobils a disposiziun, ei quei buca da smarvegliar. Sco detg: il fenadur ei staus appartenent la grippa in meins catastrofal. Ils suandonts treis meins eis ella puspei secalmada, per il novembre danovamein contonscher las relaziuns dil fenadur. Ils davos cass en connex cun quella grippa ha ins registraru il fevrier 1919.

Resumau stuein nus constatar che la grippa da 1918 ei stada ina petra pella per il Grischun – e medemamein per la Surselva. Savens ein pliras persunas

giuvnas ord la medema famiglia mortas en cuort temps. In cass dalla Portenza ei enconuschents, nua che bab, mumma e dus affons ein morts, laschond anavos treis orfans minorens.

Problems supplementars

Persequitond ils acts avon maun astgein nus constatar che ton las autoritads sco ils miedis han fatg tut lur pusseivel per proteger la populaziun encunter la grippa. Per exemplu ha ins repartgiu en Engiadina, denter auter, a mintga casada in 'orientaziun en secret co ins duei secuntener e seschurmegiar viers attacas da quella influenza e co ins duei sedepurtar en cass ch'ina infecziun d'avena actuala.

1918 croda ell'emprema uiara mundiala. La schuldada svizra haveva da far survetsch activ. Talas relaziuns cun concentrazions e moviments da truppa fuvan tut auter che avantagiusas per combatter ina malsogna contagiosa en vitgs e valladas. Resultat da quella situazion ei ch'in grond diember schuldada vegn terrada dalla grippa. Ils spitals fuvan surcargai cun malsauns, locals provisoris stuevan vegn mess a disposiziun. Leutier havev'ins gronda miseria da recrutar il personal necessari per tractar e curar ils malsauns. En divers cass han miedis e tgirunz, che tractavan ils malsauns, sezs pers cun quella caschun lur veta. Las mesiras, pridas tras las instanzas responsablas en quei senn, ch'ins ha dil zercladur entochen la fin da settember buca relaschau la schuldada en survetsch activ e cheutras buca stuiu clamar autra truppa sut las armas, han se-gir gidau mitigare la situazion critica.

Ina pesonta grevadetgna ei la cauma (il streic) digl atun 1918 ch' ei era staus da sentir el Grischun. Il Cussegli federal ha – per prevegnir a consequenzas nun-susportablas – ordinau la mobilisaziun d'entgins battagliuns grischuns e translocau quels per part ella Bassa. Quellas rimnadas da glieud ein naturalmein s'ef-fectuadas negativamein sil combat encunter la grippa. En quei connex han ins buca spargnau cun reproschas allas instanzas competentas per talas ordras. Ch'igl entir agir ha giu deplorabilem consequenzas demuossa il factum, ch'ins ha, cun caschun dalla demobilisaziun, salvau anavos in detaschament schuldada, cugl intent da delegar quel a sepulturas per schuldada morta en survetsch.

Fatg gronds progress

Ils problems e las consequenzas seresultadas da quella maltschecca grippa ein in mussament nundisputivevel che muossa evidentamein il progress che la medischina ha fatg egl interval dils davos 70 onns. La scolaziun da miedis, tgirunzas e tgirunz, ils locals e las apparatuoz a disposiziun per diagnosticar e tractar e buc'il davos il grond progress tier ils medicaments, tut da quei che porta enorms avantatgs cura che ei se-

Statistica dalla grippa da 1918 (Surselva)

	habitants	total mortoris	dalla grippa
<u>District dil Glogn</u>	10'980	284	58
<u>Cumin da Glion</u>	5'414	144	29
Falera	336	13	4
Flond	160	6	-
Glion	1'179	58	10
Castrisch	397	7	-
Laax	278	13	2
Ladir	91	1	-
Luven	276	6	1
Pitasch	88	1	-
Riein	152	5	-
Ruschein	281	6	2
Sagogn	470	4	3
Schluein	512	8	4
Schnaus	120	2	1
Sevgein	220	5	2
Strada	49	-	-
Valendas	478	5	-
Versomi	327	4	-
<u>Cumin Lumnezia</u>	3'552	83	14
Camuns	90	2	1
Cumbel	275	3	2
Duvin	94	1	-
Uors	68	3	-
Degen	213	6	1
Lumbrein	534	15	1
Morissen	181	5	2
Surcuolm	76	3	1
Surcasti	150	1	-
Peiden	147	1	-
S. Martin	86	1	-
Tersnaus	73	4	1
Val	739	14	2
Vignogn	145	4	2
Vella	289	5	-
Vrin	392	15	1
<u>Cumin da Rueun</u>	2'014	57	15
Andiast	240	5	2
Sursaissa	636	21	2
Pigniu	80	-	-
Rueun	495	14	6
Siat	183	6	2
Vuorz	380	11	2
<u>District Reinanterieur</u>			
<u>Cumin dalla Cadi</u>	6'809	177	74
Breil	1'033	25	12
Mustér	1'710	45	26
Medel	500	10	4
Schlans	195	5	3
Sumvitg	1'320	41	16
Tujetsch	828	23	7
Trun	1'223	28	6
<u>Cantun Grischun</u>	117'069	2'795	753

tracta da combatter malsognas ed epidemias dil concarstgaun. Buca emblidar astgein nus las relaziuns higienicas pri-mitives che regevan da lezzas uras gene-

ralmein ellas habitaziuns. Plinavon fu-van las victualias raziunadas sin moda fetg restrenschida, quei che spossava la resistenza dil singul.